



Broj: 06-06-2-695-2/20

Predmet: Poziv na webinar **“Poslovno pregovaranje u kriznim vremenima – zašto uopšte pregovarati i kako?”**

Vanjskotrgovinska komora BiH i Konrad Adenauer Stiftung Vas pozivaju na webinar: **“Poslovno pregovaranje u kriznim vremenima – zašto uopšte pregovarati i kako?”** koji će biti održan putem Zoom online platforme **20.05.2020. godine od 10:00-12:30 sati.**

Umijeće pregovaranja je vještina neposredno naslonjena na sposobnost uspješnog komuniciranja, bez kojih teško možemo pokrenuti bilo kakve aktivnosti, strateške i/ili operativne. Teško je zamisliti bilo šta, od našeg svakodnevnog života do upravljanja rastom i razvojem kompanije, a da nam ne zatreba vještina pregovaranja. Njena vrijednost i efikasnost dolaze posebno do izražaja u kriznim vremenima, kada se na novom početku uz velike probleme nalazimo i mi i naši stari, ali i potencijalni poslovni partneri, saradnici i uposlenici.

Cilj webinara je da unaprijedi znanja polaznika u oblasti vještina poslovnog pregovaranja. Ciljna grupa webinara su: menadžeri, prodajno osoblje, vođe timova, ali i svi oni kojima individualno trebaju vještine pregovaranja u svakodnevnom poslovnom i privatnom životu.

Uvodno izlaganje na webinaru će održati Sven Petke, direktor Konrad Adenauer Stiftung na temu: **„Dejstvo pandemije na društvenu i ekonomsku situaciju u Njemačkoj. Mjere savezne njemačke vlade za pomoć poslodavcima i zaposlenicima“.**

Teme webinara:

- Zašto i kako pregovarati, naročito u kriznim vremenima
- Karakteristike pregovaračkog procesa (ciljevi, priprema, proces, zaključivanje)
- Faktore (ne)uspjeha u procesu pregovaranja
- Vještine neophodne za uspješno pregovaranje
- Pregovaranje o pozicijama ili interesima – *kratka vježba pregovaranja*
- Kako procijeniti i razumjeti pregovaračkog partnera
- Procijeniti sebe kao sadašnjeg i/ili budućeg uspješnog pregovarača

Predavač: Nerka Jugo, poslovni savjetnik/trener/mentor

Međunarodno certificirani menadžment konsultant, dugogodišnji ovlaštenu trener u oblastima poduzetništva, razvoja poslovanja i poslovnih vještina (komunikacije, pregovaranje i sl.), razvoja projektnih ideja i upravljanja projektima i mentor sa internacionalnim iskustvom.

Učešće na webinaru je besplatno. Webinar će se realizirati na Zoom online platformi (<https://zoom.us/download>). Napominjemo da je broj učesnika na webinaru ograničen. Neposredno prije početka edukacije, pristupni link za učešće na webinaru će biti dostavljen svim učesnicima. Neophodno je da učesnici obezbijede računar sa stabilnom internet vezom.

Prijavu na webinar možete izvršiti ispunjavanjem online prijavnog obrasca najkasnije do 18.05.2020. godine do 16:00 sati. Više informacija možete dobiti na tel: 033 566 201.



Dr.sc. Elma Kovačević-Bajtal

Direktor Sektora za edukaciju